

四庫全書

集部

欽定四庫全書

集部
宋詩紀事卷三

詳校官給事中臣鄧文泮

侍讀臣孫球覆勘

總校官進士臣繆琪

校對官中書臣朱忻

謄錄監生臣陳昌敬

欽定四庫全書

宋詩紀事卷三

錢塘厲鶚撰

幸黃遜

黃遜夔州雲安監人

一云成都人

仕後蜀為翰林學

士工部侍郎隨昶歸宋授右庶子鎮國行軍司

馬

楊伯崑六帖補孟蜀翰林幸黃遜夢掌中生草
不絕掌制草數年

雲

因登巨石知來處，勃勃元生綠蘚痕。靜即等閒藏草木，
動時頃刻徧乾坤。橫天未必朋元惡，捧日還曾瑞至尊。
不獨朝朝在巫峽，楚王何事謾勞魂。

全唐詩

句

若教作鎮居中國，爭得泥金在泰山。

岷山吟窗雜錄

聞暖律先偷眼，既待和風始展眉。
柳嚼處春冰敲齒冷，

噉時雪液沃心寒。

梨事文類聚

徐鉉

鉉字鼎臣廣陵人仕南唐累官翰林學士歸宋
為直學士院給事中散騎常侍淳化初坐累黜
靜難軍司馬卒有騎省集

隱居詩話梅聖俞贈鄰居詩壁隙透燈光籬根
分井口徐鉉亦有喜李少保卜鄰云井泉分地
脈砧杵共秋聲此句尤閒遠也

夢遊

寃夢悠揚不奈何夜來還在故人家香濛蠟燭時時暗
戶映屏風故故斜檀的慢調銀字管雲鬟低綴折枝花

天明又是人間別洞口春深道路賒

繡幌銀屏杳靄閒若非魂夢到應難窗前人靜偏宜夜
戶內春濃不識寒蘸甲遞觴纖似玉含詞忍笑膩於檀
錦書若要知名字滿縣花開不姓潘

南國佳人字玉兒芙蓉雙臉遠山眉仙郎有約長相憶
阿母無猜不得知夢裏行雲還倏忽暗中攜手乍疑遲
因思別後閒窗下織得迴文幾首詩

餞參軍亮

宦海州作

昔年聞有蒯先生二十年來道不行抵掌曾談天下事
折腰猶忤俗人情老還上國風光薄貧裏歸裝結束輕
遷客臨流各惆悵晚風黃葉滿孤城

以上騎省集

郡齋讀書志江東布衣蒯亮好大言夸誕鉉喜
之客於門下稽神錄中事多亮所言

吳王挽辭

倏忽千齡盡冥茫萬事空青松洛陽陌白草建康宮道
德遺文在興衰自古同受恩無補報反袂泣途窮

土德承餘烈江南廣舊恩一朝人事變千古信書存哀

挽周原道銘旌鄭國門此生雖未死寂寞已消覓

翟耆年籀史徐鉉鼎臣從李煜歸朝為銀青光祿大夫右散騎常侍太平興國中李煜薨詔侍臣撰煜神道碑有欲中傷鉉者奏曰吳王事莫若徐鉉為詳遂詔鉉撰鉉泣曰臣舊事李煜陛下容臣存故主之義乃敢奉詔太宗許之鉉但推言歷數有盡天命有歸而已其警句云東鄰構禍南箕扇疑投杼致慈親之惑乞火無鄰婦之詞始勞因壘之師終後塗山之會太宗覽之稱歎不已異日復得鉉所撰吳王挽詞今傳者二首云云鉉被詔撰江南錄故有信書之句東鄰謂錢俶也

句

蘭橈破浪城陰直玉勒穿花苑樹深

遊木蘭亭

千帆日助

陰山勢萬里風馳下瀨聲

觀習水戰

向空吐吐頻書字忘

世滔滔莫問津

病中

野日蒼茫悲鵬舍水風陰濕敝貂裘

謫居

三朝恩澤馮唐老萬里江關賀監歸

陳秘監歸泉州

落月依

樓閣歸雲擁殿廊

宿山寺

玉壺野史

吳淑

淑字正儀潤州丹陽人仕南唐為內史歸宋薦

試學士院授大理評事預修太平御覽文苑英

華累遷起居舍人職方員外郎卒有文集事類
賦江淮異人錄祕閣閒談

句

漢殿夜涼初閣筆渚宮秋晚得懸車

詩話總龜荆南朱昂晚以工侍乞骸骨真宗賜
坐寵詔留候秋涼還故吳淑贈詩云云

秦南運

南運宋初官尚書郎

題青紗連二枕

陰香裝豔入青紗還與敲眠好事家夢裏卻成三色雨
沈山不敢鬪清華

清異錄舒雅作青紗連二枕滿貯醪釀木犀瑞
香散藥甚益鼻根尚書郎秦南運見之留詩

張洎

洎字師黯改字偕仁滁州全椒人仕南唐知制
誥中書舍人歸宋為史館修撰翰林學士淳化
中參知政事卒贈刑部侍郎有集

十國春秋初洎將後主命入貢作十詩以詆訾
汴京風物至有一堆灰之句蘇易簡得其親書

及是與易簡同事不相能語人曰清河更作異
即以一堆灰之詩進呈矣洎為少屈

暮春月內署閣前海棠花盛開率爾七言八韻寄

長卿諫議

去歲海棠花發日曾將詩句詠芳妍今來花發春依舊
君已雄飛玉案前驟隔清塵樞要地獨攀紅藥豔陽天
疎枝高映銀臺月嫩葉低含綺閣烟花落花开留勝賞
春來春去感流年清辭早綴巴人唱妙翰猶緘蜀國牋
共仰壯圖方赫耳自嗟衰鬢轉皤然因憑鶯蜨傳消息

莫忘蓬萊有病仙

海崇譜

張 泌

泌字子澄常州人仕南唐為內史舍人歸宋官

虞部郎中

十國春秋太宗朝泌在史館一日問曰卿家每食多客敘談何事泌曰臣之親舊客都下乏食故嘗過臣飯然止菜羹而已明日太宗遣快行者同之果然喜其不隱遷官郎中人稱菜羹張家泌為人長者後官河南每寒食必親拜後主墓哭之甚哀李氏子孫陵替常分俸贍給焉

寄人

別夢依依到謝家
小廊回合曲闌斜
多情只有春庭月
猶為離人照落花

春江雨

雨冥冥風泠泠
老松瘦竹臨烟汀
空江冷落野雲重
村中鬼火微如星
夜驚溪上漁人起
滴瀝篷聲滿愁耳
子規叫斷獨未眠
菴岸春濤打船尾

以上全唐詩

邵拙

拙宣城人

句

萬國未得雨孤雲猶在山

馬令南唐書歸明傳郤拙宣城人有詩三百篇
命曰廬岳集曹郎趙慶以詩貽之云邁古文章
金鷲鷲出塵行止玉麒麟歸皇朝就應制科有
司以聞未詔而卒時悼其苦學能文而不得達
于名位或議其詩有句云云斯為應矣

劉吉

吉江左人事李煜為傳詔承旨歸朝為供奉官
知河渠利害委以八作務太平興國中河大決

吉塞河有方略人目為劉跋河後為崇儀使有
詩三百首名釣鰲集

句

一箭不中鵠五湖歸釣魚

贈隱者

歷代吟譜

龔 穎

穎字同秀邵武人初仕南唐為內史歸宋為殿
中侍御史

次韻贈丁謂之

膽怯何由戴鐵冠祇緣昭代獎孤寒曲肱未遂違前志
直指無聞是曠官三署每傳朝客說五溪閒凭郡樓看
祝君早得文場雋況值天堦正舞干

青箱雜記穎自負文學少許人談論多所折難
太宗朝知朗州士罕造其門獨丁謂贊文求見
穎倒屣延迓酬對終日以至忘食曰自唐韓柳
後今得子矣異日丁獻詩於穎穎次韻和酬

潘慎修

慎修字德成莆田人仕南唐為祕書省正字歸
宋為太常博士真宗朝累擢翰林侍讀學士有

集

禁林讌會之什

紅藥深嚴肅廣筵嘉招仍許廁羣仙忽窺宸翰雲龍動
乍揭天辭日月懸散作楷模珍寶惜永刊金石共流傳
況當枚馬從容地仍集班揚侍從賢敢竊休明為盛觀
願陳風詠播薰弦不辭勝引承歡醉長洽昇平億萬年

翰苑羣書

句

如今縱得仙翁術也怯君王四路饒

楊文公談苑太宗綦品第一待詔有賈元者臻于絕格時人以為王積薪之比元嗜酒病死楊希粲蔣元吉李應昌朱懷辟皆國手然非元之敵晚有李仲元綦絕勝可侔于元歲餘亦卒朝士有蔣居中潘慎修亦善綦至三品內士陳好元四品多得侍綦自元而下皆受三道慎修受四道好元受五道慎修獻詩云云

羅 穎

穎南昌人南唐入宋

句

嫚侮羣豪誇大度可憐容得辟陽侯

馬令南唐書穎開寶中詣金陵舉進士第例以黃衣守選及王師問罪後主銜壁穎再應鄉舉下第道經漢高祖廟題詩落句云云少頃輒自免冠鞠伏廟廷口陳自咎之言掖去數日卒

孟歸唐

歸唐湖湘連上人南唐水部郎賓于之子廕受祕書正字吉州民掾歸宋遷大理丞以罪貶袁州司戶

句

練色有窮處寒聲無盡時

龍衮江南野史益賓于入江南生子名歸唐少
能詩就廬山國學遂得瀑布詩云云時鄰房儒
生亦得此聯遂互訟其句助教不能理因送江
州各以全篇意勢定之而歸唐較勝大為時人
所仰

黃夷簡

夷簡字明舉福州人少仕吳越為明州判官歸

宋累遷都官郎中召試翰林知制誥檢校祕書

監

吳越備史補遺開寶二年秋九月忠懿王遣元帥府掌書記黃夷簡入貢太祖謂夷簡曰汝歸語元帥當訓練甲兵江南倔強不朝我將討之元帥當助我無信人言脣亡齒寒王密表謝且請師期

句

宿雨一番蔬甲嫩春山幾焙茗旗香

皇朝類苑

錢惟治

惟治字和世吳越廢王侗長子忠懿王俶養為己子歸宋領鎮國軍節度使左驍衛上將軍卒

追封彭城郡王生平慕皮陸為詩有集

吳越世家疑辨倣以嫡嗣惟濬無檢故器惟治
數俾權發遣軍國之務洎入朝惟濬止奉朝請
而委惟治藩任焉

春日登大悲閣迴文

聖主欽崇教千光顯紺容映雲窗綺暖籠月箔花重淨
刹香風遠危闌碧霧濃勝因良以詠華國一斯逢

碧天臨迴閣晴雪點山屏夕烟侵冷箔明月斂閒亭
冰

詩式

湖州府志吳越迴文綬帶連環詩碑在法華寺
節度使錢惟治作九十首

張在

在青州布衣少能文尤精詩奇蹇不遇老死場

屋

題龍興寺老柏院

南鄰北舍牡丹開年少尋芳日幾回惟有君家老柏樹
春風來似不曾來

澠水燕談文潞公皇祐中鎮青詣老柏院訪在
所題字已漫滅公惜其不傳為大字書于東廊

之壁

西溪叢話元祐中州學教授畢仲愈題跋刻石
于平嵐亭上

傅霖

霖字逸巖青州人少與張詠同學霖隱不仕詠
既顯求霖三十年不可得及詠知陳州乃來謁
曰子將去來報子耳翌日別去後一月詠卒

贈張乖崖

忍把浮名賣卻閒門前流水對青山青山不語無人事

門外風光任往還

茗溪漁隱叢話

句

劇談驅夜瘧幽夢得鄉書

復齋漫錄傳霖開寶中嘗與張乖崖會于韓城
終夕談話鄰有病瘧為之不作公每有書與傳
傳必先夢故傳有句云云

陶 彝

彝陶穀之猶子

句

生涼好與雞蘇佛回味宜稱橄欖仙

清異錄予讀胡嶠茶詩需牙舊姓餘甘氏破睡當封不夜侯愛其新奇猶子彞年十二歲令效法之近晚成篇云云彞亦文辭之有基址者也

張齊賢

齊賢字師亮曹州人徙家洛陽太祖幸西都以布衣上書太平興國二年舉進士累官同中書門下平章事以司空致仕卒贈司徒諡文定

致仕後戲贈故人

午橋今得晉公廬花木烟雲興有餘師亮白頭心已足
四登兩府九尚書

宋史本傳齊賢歸洛得裴度午橋莊有池榭松竹之盛日與親舊觴詠其間意甚曠適

御書飛白玉堂之署三體宸章併宣禁苑觀茲盛事輒動斐然

寵深仙署降新牌御筆親題重俊才四字千齡懸日月
兩篇三體琢瓊瓌登科郅桂皆同樹入室邱門盡仰回
余與承旨學士皆御前科選而學士最受聖恩顧遇則前後門生俱深榮羨故有是也寓直靜封

芝檢去密宣榮對玉泉來職清望峻人稀見地貴局嚴
晝罕開多幸謬持黃閣柄烟霄時得遂游陪

翰苑羣書

石將軍南征賦贈

五花密布生門出三令重宣宿將聽劃地豈能容賊窟
指天不許見妖星醪投漢水期分飲石削巴邱待勒銘
洗盡甲兵安草木君山依舊望中青

陸氏善鳴集

呂蒙正

蒙正字聖功河南人起居郎龜圖子太平興國

二年舉進士第一累知制誥為翰林學士歷司
空兼門下侍郎同平章事累封許國公卒贈中

書令諡文穆

邵伯溫聞見錄公微時行伊水上見賣瓜者意
欲得之無錢可買其人偶遺一枚于地公悵然
取食之後作相買園臨伊水起亭以饅瓜為名

尹洛日作

昔作儒生謁貢闈今提相印出黃扉九重鴛鴦醉中別
萬里烟霄達了歸鄰叟盡垂新鶴髮故人猶著舊麻衣

洛陽謾說多才子自歎遭逢似我稀

青箱雜記洛陽龍門有呂文穆公讀書龕云初有友二人共棲偃于此一人則溫尚書仲舒一人忘姓名及唱第文穆狀元溫中甲科其一人拂衣歸隱文穆作相太宗問昔誰為友文穆以歸隱者對遽以著作佐郎召不起文穆罷相尹洛作詩云云

讀書龍門山土室作

八灘風急浪花飛手把魚竿傍釣磯
自是鉤頭香餌別此心終待得魚歸

鴻溝

在河陰縣即楚漢分界處

溝中流水已成塵溝畔荒涼起暮雲大抵關河須一統
可能天地更平分烟橫綠野山空在樹倚高原日漸曛
方凭征鞍思往事數聲風笛馬前聞

以上開封府志

李虛已

虛已字公受建安人太平興國二年進士累官

知遂州終工部侍郎與堦晏殊唱酬有雅正集

羅願新安志真宗喜談經命馮元橫易謂曰朕
不欲煩近臣久立欲選純孝之士數人止如同
人便裘頂帽講經並坐暇則薦茗果盡笑論削
去進說之儀遇疲則罷元薦查道及李虛已李

行簡三人虛已母喪明醫者曰浮翳泊眼能舌
舐干日者可勿藥自愈虛已舐之二年遂復明
困學紀聞李虛已初與曾致堯倡酬致堯謂曰
子之詩雖工而音韻尤啞虛已初未悟既而得
沈休文所謂前有浮聲後須切響遂精于格律

次韻和內翰楊大年見寄

鰲冠三峯碧海寬雲謠初下靄芝蘭採珠宮裏驪龍睡
織錦機中彩鳳盤藥砌蒼苔錢作點粉牆修竹玉為竿
閒從莊蜨親鳬舄曾得安期九轉丹

次韻和汝南秀才遊淨土見寄

長松繫馬放吟鞭
水殿沈檀一樹烟
苔破閒階幽鳥立
草芳深院老僧眠
桃花欲放條風後
茶蘼新供穀雨前
衰會賞詩多狎客
我無歧路近神仙
以上瀛奎律髓

送何水部蒙出牧袁州

宜川三月水東流
秀出江南二十州
紅旆使君今日去

白衣舉子昔年遊

宜春乃公舊遊

海潮賦就藏書府

盧肇進賦宣付史館

競渡詩成在郡樓
國史待修循吏傳
早飛聲政達凝旒

袁州府志

曹衍

衍衡陽人

貧女

自恨無媒出嫁遲
老來方始遇佳期
滿頭白髮為新婦
笑殺豪家年少兒

能改齋漫錄太平興國初石熙載尚書出守長沙以衍所著野史繳薦之因得召對袖詩二十章上進首篇乃驚驚貧女兩絕句蓋託意也太宗大喜召試學士院除東宮洗馬監泌陽酒稅

何蒙

蒙字叔昭洪州人官贊善出守袁州

句

塞日穿痕斷邊雲透影飛縹緲隨黃屋陰沈護御衣

玉壺野史太宗親征契丹師還途中御製有鑾輿臨紫塞朔野凍雲飛遂令何蒙進鑾輿臨塞賦凍雲飛詩名對嘉賞授贊善蒙詩有句云云

韓丕

丕字太簡華州鄭人太平興國三年進士歷知

制誥右諫議大夫翰林學士工部侍郎出知滁

州

禁林讌會之什

鰲宮明麗倚春寒
讌會羣仙喜繼觀
聖作照臨新日月
御書飛動集龍鸞
綺談雅似聞天樂
瓊液香勝飲露槃
坐久杳同玄圃外
吟餘飄若碧雲端
演綸視草微才怯
原闕四字
霈澤寬因想前賢
倍知幸多云遭值
太平難
翰苑羣書

寄岳陽劉從事

秋來憶故人
寓目臨大野
遠近聞清商
依稀奏幽雅
經霜樹半紅
無風葉自下
一片洞庭心
聊憑塞鴻寫

顧氏積書

出選

田錫

錫字表聖嘉州洪雅人太平興國三年進士累
官左拾遺直史館為河北轉運副使擢右諫議
大夫史館修撰卒贈工部尚書有咸平集

江南曲

金蟬飾綠雲細靨藥黃新南浦解清佩西谿采白蘋
密竹映深花湖山日欲曛春腸知己斷脈脈兩難親
吳豔若芙蓉乘舟弄湖水照影不知休雲鬟墮簪珥含
笑忽迴頭見人羞欲死歸去入花谿棹濺鴛鴦起
金陵王氣銷六朝墮霸業白雲千古恨空江照樓堞虎
邱羅蔓草姑蘇委楓葉懷賢思伍員靈濤浩難涉

倚柱吟

暮春慘慘黃昏雨零落櫻桃斜掩戶未張燈火簾幙深

樓閣巢寒聞燕語昔時常說長安好而今厭走長安道
蘇秦辨說長卿才自笑功名何不早人悄悄倚柱時情
脈脈無人知憐春惜遠情不盡斜雨蕪花閣溼衣

擬古

崇溪出精金百鍊無餘滓鑄得芙蓉劍靈輝若秋水陸
可斷兕犀幽亦驚神鬼照物雙影寒中霄靈氣紫有時
風雨至欲作龍蛇起海酒與陵肉寶燭延奇士歡飲取
傳觀英圖各相視吐氣成虹蜺將平不平事大笑荆軻

輩卒如兒女子

遊子中夜功名忽嗟暮黑貂空上書甘泉方獻賦白
日驚壯齒青雲有英顧收采苟不時珊瑚亦生蠹

花雨

雨裏飛花片片紅雨微花亂轉冥濛川原何處連天草
簾幕無人半日風寂寞劉楨新病後淒迷莊舄苦吟中
可堪更是黃昏景燕冷鶯寒恨想同

秋夜有懷寄副翰宋白舍人

秋風蕭瑟北山椒
賴有琴樽慰寂寥
書幌靜憐斜月鑒
窗燈寒帶落花挑
久辭知己來江國
少寄音書過海潮
因憶玉堂今夜直
建章宮漏正迢迢

題天竺寺

三月楊花撲馬飛
連鑣來款白雲扉
湖邊鐘磬含清籟
樹杪樓臺靄翠微
野景留人狂欲住
春光啼鳥勸思歸
萋萋芳草重回首
十里松門照落暉

以上咸平集

王旦

旦字子明大名莘人太平興國五年進士及第
累官右正言知制誥真宗朝兼工部尚書同中
書門下平章事遷右僕射昭文館大學士兼門
下侍郎加太尉兼侍中卒贈太師尚書令魏國
公諡文正有集

禁林讌會之什

喜綴真仙讌禁林玉堂新事好供吟天章刻石興風雅
宸翰書牌耀古今勢逸奪迴龍鳳跡調高流入管弦音

光凝玉罽瓊漿潤冷布花輒藥樹陰地貴每朝金殿近
景清如到玉壺深得陪嘉會榮觀大虔效賡歌樂聖心

翰苑羣書

南恩州西樓

江樓橫玉虹西山羅畫屏荒城斗樣大此樓何崢嶸炎
嶺狀隴蜀三州通蓬瀛人烟幾村落數點如晨星誰謂
海一涯好山無數青

錦繡萬花谷

李沆

沆字太初肥鄉人太平興國五年進士真宗朝
歷參知政事加門下侍郎尚書右僕射卒諡文
靖

伏覩禁林新成盛事輒思歌詠不避荒蕪上李學
士

禁庭多士列華簪嚴樂輝光冠古今御筆騰驤題玉署
宸章照耀詠詞林虛堂挂後傳千載翠琰刊成直萬金
振復文明知聖作尊崇儒術見天心增修一院烟霞麗

曲宴羣英雨露深自我昌朝為盛事鼇山清峻重難尋

翰苑羣書

蘇易簡

易簡字太簡梓州銅山人太平興國五年進士
累知制誥充翰林學士遷給事中參知政事出
知陳州卒贈禮部尚書有集

歷代吟譜蘇易簡舉進士不起草凡三題千餘
言數刻而就太宗曰君臣千載遇對曰忠孝一
生心晚年贈僧詩憔悴貳卿三十六與師氣味
不爭多

贈翰林學士宋公

天子昔取士先俾分姓妍濟濟俊兼秀師師麟與鸞小子最承知同輩尋改觀甲等叨薦名高飛便凌烟遂使拜展坐果得超神仙迄今纔七歲相接乘華軒

蔡寬夫詩史蘇參政易簡取開封府解時宋尚書白為試官是歲登第後十年白為翰林學士易簡亦繼召入贈白詩云云

題臨蘭亭序

有若象夫子尚興闕里門虎賁狀蔡邕猶旁文舉樽昭

陵自一閉真迹不復存予今獲此本亦可比璵璠

周益公題

跋

禁林讌會之什

時御書飛白玉堂之署四字頒賜翰苑

雨晴禁署絕纖塵讌會名賢四海聞
供職盡居清顯地
崇儒同感聖明君
翩然飛白璇題字
煥若丹青翠琰文
梓澤笙歌誠外物
蘭亭詩酒不同羣
少年已作瀛洲老
他日終棲太華雲
莫怪坐閒全不飲
心中和氣自醺醺

翰苑羣書

樂史

史字子正撫州宜黃人仕南唐祕書郎入宋太平興國五年復登進士歷水部員外郎使兩浙巡撫判西京留司御史臺卒有仙洞集

鐘山寺

千峯夾一徑一徑花枕泉聽泉復看花行到鐘山前古寺雲生屋高僧月伴禪自慙留一宿匹馬又朝天

撫州府志

向敏中

敏中字常之開封人太平興國五年進士累擢
右諫議大夫同知樞密院事真宗朝進右僕射
兼門下侍郎又進左僕射昭文館大學士卒贈
太尉中書令諡文簡

酬寇平仲

九萬鵬霄振翼時與君同折月中枝細思淳化持衡者
得到于今更有誰

合璧事類前集向文簡敏中寇忠愍準二相同
以太平興國五年登第後文簡秉鈞忠愍以使

相守長安作詩寄文簡有歲寒唯有公兼我白
首猶持將相權之句文簡酬之云云

桃花

千朶穠芳倚樹斜一枝枝綴亂雲霞憑君莫厭臨風看

占斷春光
是此花

全芳備祖

延安守歲

律管風生消暮景塞原烟靜絕妖氛坐移殘燭光陰變

故舊年華一夜分

詩林萬選

偶吟遣懷

昔為宰輔居黃閣今作元戎控夏臺萬里蒼黔慙受賜
一方清晏有何才紫宸杳杳彌年別紅旆翩翩映日開
將相官榮如我少不須頻獻手中杯

瀛奎律髓

峽山飛來寺

峽山地勝安禪處萬仞危樓壓要津世上豈知名利事
浪中空笑往來人倚門怪石狂遮面入座寒雲碎繞身
日暮西風懶回首滿林幽鳥語聲頻

廣東通志

句

四時常有烟棚合三月猶無菜甲生

延州作志

嘉祐雜

宋 湜

湜字持正京兆長安人太平興國五年進士再
知制誥真宗朝拜中書舍人改給事中充樞密
副使扈從北巡卒於澶州贈刑部尚書諡忠定
有集

送陳堯叟赴廣西漕

憐君將命拜新恩送別都門亦斷魂
雨歇桂林秋更暖

瘴連梅嶺月多昏
詔頒海徼征徭薄
兵罷蠻州市井繁
愧我不才居禁近
前春灑掃待回轅
桂林府志

戚綸

綸字仲言應天楚邱人
維弟太平興國八年進
士大中祥符初歷官樞密直學士
出知杭州天禧中太常少卿分司
南京卒有集

送何水部蒙出牧袁州

連翩作牧藹嘉聲
重疊光華是此行
畫隼前驅男子貴

錦衣當畫故鄉榮虎溪駐目曾遊熟采石維舟舊吏迎

公舊講學廬早復經太平州舊治

來暮謳謠應載路遲留桑梓肯忘情

郡樓擁翠峯巒合井邑交光竹樹明醇酎豈知千日醉

宜春舊多醇酎

溫泉常見四時清

郡下溫泉夏冷冬暖春飲之宜人郡得名焉

下車

不問山河改布政先期獄訟平何日紫宸偏顧矚聖君

留意在編氓

袁州府志

劉昌言

昌言字禹謨泉州南安人少工文詞節度陳洪

進辟功曹參軍偕洪進歸宋舉太平興國八年
進士官至同知樞密院事工部侍郎卒贈工部

尚書

上呂相公

蒙正

重名清望徧華夷恐是神仙不可知一舉首登龍虎榜
十年身到鳳凰池廟堂只是無言者門館常如未貴時
除卻洛京居守外聖朝賢相復書誰

瀛奎律髓

句

惟有夜來蝴蝶夢翩翩飛入刺桐花

下第

歷代吟譜

李 巽

巽字仲權邵武人太平興國八年進士仕至度

支郎中兩浙轉運使

登第遺鄉人

當年蹤跡困泥塵不意乘時亦化鱗為報鄉閭親戚道
如今席帽已離身

青箱雜記巽累舉不第為鄉人所侮曰李秀才
應舉空去空回知席帽甚時得離身至是乃遺

鄉人云云蓋國初猶襲唐風士子皆曳袍重戴出則以席帽自隨

李建中

建中字得中京兆人太平興國八年進士累官直集賢院掌西京留守司御史臺愛洛中風土遂居之人謂之李西臺官至工部郎中判太府寺卒有集

宣和書譜李西臺居洛中以林泉自娛善篆籀草隸八分于真行尤精當時士大夫得其筆跡莫不爭藏以為楷法

題洛陽華嚴院楊少師書壁後

杉松倒澗雪霜乾屋壁麝煤風雨寒我亦平生有書癖

一回入寺一回看

蔡寬夫詩史楊凝式仕後唐晉漢閒落鬼不任
檢束自號楊風子終能以智自完書法高妙傑
出五代可與顏柳並軌今洛中僧寺尚多有其
遺跡題華嚴院詩云院似禪心靜花如覺性圓
自然知了義爭肯學神仙用筆尤奔放奇逸李
西臺建中平生師凝式書題詩于傍書亦自深
穩老健前輩所貴重也

懷湘南舊游寄起居劉學士

老情詩思關何處渾是湘南水岸頭殘白晚雲歸嶽麓
濃香秋菊滿汀洲靜尋綠徑煎茶寺偏上紅牆賣酒樓
西洛分臺素拘檢繡衣不得等閒遊

曲洧舊聞真定康敦復嘗語予曰河東見所在
酒壚皆飾以紅牆詢之父老云相沿襲如此不
知其所始也後讀李留臺集有懷湘南舊游寄
起居劉學士詩云云據此詩則湖南亦有之不
獨河東也但留臺不著所出為可恨也

題菩提寺

龍門雙闕湧雲烟雪未飛花雁下前徹底清流照車馬

分臺御史過伊川

能改齋漫錄

澹山巖

在零陵郡秦周貞實之舊居

常思羽衣人宅此巖崖旁虛室通大道靈闕掩中黃古
朴宮殿深偃亞松桂香洞戶漏夕月未罅生微陽疊齒
上層巔露井連曲房斷壁橫廣幕矗石排吟牀蟄痕燕
穴空乳溜蚪鱗張清泉弄春漲靈草經冬芳自笑老倒
容誰與刀圭霜金版佩上籍玉音歌洞章珠幢夜森立
絳節朝飛揚咫尺仙路高喧囂世機忙浮埃走車馬奔

近多事場真地擁烟霞根本無為鄉不到久歎息一來
徒悲傷但聽鏗華鐘所得心耳涼

茗溪漁隱叢話

直宿

春風夜急銅龍漏淡月半斜金井闌已覺亞枝花露重
宿鶯猶睡怯餘寒

早朝

著衣香重海棠風人在瀛洲御苑東將對赤墀班未定
井幹樓角日先紅

娛書堂詩話李西臺直宿早朝二詩呂居仁跋
云觀西臺詩想見國初太平氣象不遠餘風遺
烈足以竦動後世眇想正觀初難與數子諧吾
於諸公亦云

桐柏觀

永懷閒訪道斗上上仙居瀑布磬聲外桂花林影疎山
名孫綽賦觀額葛洪書已負秋來約誅茅興有餘

赤城志

題仙都山

時為兩浙轉運副使

巖巖仙都山肅肅黃帝宮巨石臨廣澤千仞凌高穹肇
當融結初全得造化功深可蟠厚壤峭疑接冥鴻雲輶

去路存丹鼎遺跡空抽潤草心碧敷香蓮葉紅升龍板
矯矯飛鳳鳴雍雍而我集仙署嘗比瀛洲雄星移婺女
閒鳳駕析木東到覺毛骨爽坐如羽翼沖萬事皆氛埃
一氣歸鴻濛遐哉上聖道邈與元化同金簡莫至誠玉
書銘代工功成解冠劍棲息期此中

仙都山志

句

山程授館聞鴻夜水國還家欲雪天

送人
談苑

楊文公漲

烟春氣重貯月夜痕深

西湖

歷代吟譜

趙昌言

昌言字仲謨汾州孝義人太平興國初進士累
官給事中參知政事真宗朝坐事奪官遷戶部
侍郎卒

喜英公大師相訪

僧中何事最聞名筆札高奇是夢英十八家書垂墨妙
一千年聖遇文明未將六籍重刊石

余惜國家未明師
筆如唐朝刊六經

于石已駕三車到化城此日勞師相枉訪豁然襟抱慰

平生夢英大師詩碑

臧丙

丙字夢壽大名人太平興國初進士官右諫議大夫知江陵府

寄贈終南英公上人

是箇人言好性靈鑄京碑記念千廳五言出格為詩匠
百盞長杯應酒星曾把篆求身上紫幾將金買面前青
多聞國士相尋訪莫把松門晝夜扃

夢英大師詩碑

鄭起

起官左拾遺

贈英公大師

玉殿承恩四十年水雲心已悟南禪
李斯篆字功何妙
賈島詩章學太玄
筇在幾嗟無虎鬪
鉢腥長笑有龍眠
聞今未老休慵墮
剩把書蹤石上鐫

夢英大師詩碑

馬去非

去非官侍御史知雜事

寄懷英公大師清交

雲隱秋鴻水隱魚相思難得惠休書遙聞養性棲蓮岳
不肯攜筇入帝都金殿聖緣應未斷玉堂知己漸凋疎
何人曾得陪高論頭戴神羊馬大夫

夢英大師詩碑

王承衍

承衍官尚食使昭州刺史知鳳翔府

贈英公大師

文章篆籀久傳芳灰志禪門道愈光豐鎬有心營寶刹

瀟湘無意臥雲房
陶情早著詩千首
混俗何妨酒百觴
若許宗雷重結社
願持香火學空王

夢英大師詩碑

陳文顯

文顯官康州刺史知同州軍州事

喜宣義大師英公相訪

三事天衣兩字師
長安風月更誰知
閒騎劣馬尋碑去
醉臥荒廬出寺遲
辭瞻不容誇犬子
興闌兼許吐魚兒
左馮假道來看我
正值嚴冬大雪時

夢英大師詩碑

穎 贄

贄官太子中允知洛陽縣事

贈英公大師

蠻牋象管少年時幾賦簾前祝壽詩
三殿荷恩卿相看兩朝承寵帝王知
尋窮太華高低景念盡長安內外碑
可惜篆文今絕筆李陽冰後只吾師

夢英大師詩碑

宋溫舒

溫舒官左拾遺知耀州軍事

贈英公上人

粹鍾衡岳誕吾師十九彤廷賜紫衣
青簡篆文窮妙絕碧雲詩句入玄微
降龍鉢裏無塵染迴雁峯前有夢歸
他日好同蓮社約逸眠禪坐兩忘機

夢英大師詩碑

李頌

頌官太常博士

贈英公大師

篆高神品秀爽天骨敏構機先談深理窟濬極蒼源元

臻瑠闔玉無疵瑕車有輓軌達識圓明靈襟洞豁粹稟
飛星胸挂流月大飲陶陶閒遊元元月如常人名利乾
沒英公十八體篆書碑

盧岳

岳官太子中舍

送英公大師歸終南

擬息游方興蘿龕近翠微幾程勞夜夢一錫向秋歸月
彩籠清磬嵐光潤紫衣重尋溪上路楓葉下巖扉

英公十八

體篆書碑

許道寧

道寧官著作佐郎

贈英公大師

業就攜筇別五湖御簾香暖幾曾趨清搜象外吟情逸
玄達禪中惠性殊江塢秋思霜橘美雲房高寄海峯孤
白蓮共結他年約還放疎慵入社無

英公十八體篆書碑

陳省華

省華字善則閬中人官至左諫議大夫堯叟堯
佐堯咨其子也

登慧聚寺上方

四望平川獨一峯峯前瀟灑是蓮宮松聲竹韻千年冷
水色山光萬古同客到每憐樓閣異僧言因得鬼神功
縣民遙喜行春至鼓腹閒歌夕照中

崑山雜詠

夏侯嘉正


嘉正字會之江陵人太平興國中進士擢右正

言直史館兼直祕閣

句

兩制誠堪羨青雲侍玉輿

宋史文苑傳太宗元夕御乾元門觀燈嘉正獻
五言十韻詩末句云云上和賜有狹劣終雖舉
通才列上台之句議者以為誠嘉正之好進也



宋詩紀事卷三

欽定四庫全書

集部
宋詩紀事卷四

詳校官給事中臣鄧文洋

侍讀臣孫球覆勘

總校官進士臣繆琪

校對官中書臣朱烱

謄錄監生臣羅允文

欽定四庫全書

宋詩紀事卷四

錢塘厲鶚撰

姚鉉

鉉字寶之廬州合肥人太平興國八年進士知
鄆州入為起居舍人累遷兩浙轉運使有文集
賞花釣魚侍宴應制

上苑煙花迴不同漢皇何必幸回中花枝冷澣昭陽雨
釣線斜牽太液風綺萼惹衣朱檻近錦鱗隨手玉波空

小臣侍宴驚凡目知是蓬萊第幾重

詩話總龜淳化中春日苑中賞花釣魚小宴宰相至三館預坐咸使賦詩上覽以第優劣時姚鉉賜白金百兩時輩榮之以比奪袍賜花等故事

松江

句吳奇勝絕無儔更見松江八月秋震澤波光連別派
洞庭山影落中流汀蘆擁雪藏漁市岸竹香風趁客舟

清興不窮聊一望煙空雲霽倚層樓

蘇州府志

句

疎鐘天竺曉一雁海門秋

錢塘郡

皇朝類苑

歐陽程

程營道人太平興國八年進士仕至屯田員外

郎

詠池亭

鑿開幽境泛流萍迴合波間小洞庭寒影倒吞凌漢樹
冷光高浴半天星魚翻錦鬣波紋皺鷺洗霜翎水氣腥
昨夜蛟龍忽飛去滿軒風雨震雷霆

湖廣通志歐陽程初名和營道人少貧兄為郡吏依之傭書賦池亭詩太守大喜給俸金遣充學官弟子太平興國八年赴試路逢一青衣童子云以今科省榜走報各處城隍因問歐陽和中否曰但有歐陽程因改名程是年登第

王禹偁

禹偁字元之鉅野人九歲能文太平興國八年登進士歷右拾遺拜左司諫廬州妖尼道安誣訟徐鉉禹偁請論道安罪貶商州團練副使累遷翰林學士坐謫訕知滁州真宗即位召知制

誥出知黃州卒有小畜集

晁以道與三泉李奉議書云本朝王元之後
晏公晏公之後歐陽公歐陽之後東坡皆號一
代龍門其門下灑掃應對之士後為名公卿將
相者不可勝數也
西清詩話王元之父本磨家畢文簡士安為州
從事元之代其父翰疑至公宇立庭下文簡方
命諸子屬句云鸚鵡能言爭比鳳元之抗聲曰
蜘蛛雖巧不如蠶文簡曰子精神滿腹將且名
世後與公接武朝廷

松江

三年為吏住江濱重到江頭照病身滿眼碧波輸野鳥

一蓑疎雨屬漁人
隨船曉月孤輪白
入座晴山數點春
張翰精靈應笑我
綠袍依舊惹埃塵

汎吳松江

帶蓬疎薄漏斜陽
半日孤吟未過江
惟有鷺鷥知我意
時時翹足對船窗

移任長洲

移任長洲縣舟中興有餘
蓬高猶見月棹隱不妨書
雨碧蘆枝亞霜紅蓼穗疎
此行紆墨綬不是為鱸魚

移任長洲縣窮秋入水鄉江涵千頃月船載一篷霜竹
密藏魚躍雲疎漏雁行故園漸迢遞烟浪自茫茫

虎丘

蘇牆圍著碧孱顏曾是當年海涌山盡把好峯藏寺裏
不教幽境落人間劔池草色經冬在石座苔花自古斑
珍重晉朝吾祖宅一回來此便忘還

絕句

謫官無俸突無煙唯擁琴書盡日眠還有一般勝趙壹

囊中猶貯御書錢

侯鯖錄前世錢未有草書者淳化中太宗始以宸翰爲之即成以賜近臣崇寧大觀中御書錢蓋襲故事也王元之謫商於有詩云云

春日雜興

兩株桃杏暎籬斜妝點商州副使家何事春風容不得
和鶯吹折數枝花

蔡寬夫詩話元之嘗學白樂天詩在商州賦春日雜興云云其于嘉祐謂老杜嘗有恰似春風相欺得度來吹折數枝花之句語頗相近請易之元之欣然曰吾詩精詣遂能暗合于美耶更

為詩曰本擬樂天為後進敢期杜甫是前身卒不復易

齊安郡作

憶昔西都看牡丹稍無顏色便心闌而今寂寞山城裏
鼓子花開亦喜歡

能改齋漫錄王元之謫齊安郡民物荒涼殊無佳
况營妓有不佳者公詩云云然唐抒情集記朝
士在外地覩野花追思京師舊遊詩云曾過街
西看牡丹牡丹未謝即心闌如今變作村田眼
鼓子花開亦喜歡蓋王刊定此詩耳

題錢塘縣羅隱手植海棠

江東遺蹟在錢塘手植庭花滿縣香若使當時居顯位

海棠今日是甘棠

以上小畜集

別諸生

綴行相送我何榮老鶴乘軒媿谷鶯三入承明不知舉
看人門下放門生

滬水燕談王元之初知制誥上疏雪徐鉉貶商
州召入為學士坐辨孝章皇后不實謫滁州復
召知制誥撰太祖尊號冊坐輕誣謫黃州作三
黜賦以自述時蘇易簡適放榜奏曰禹偁翰林
名儒今將全榜諸生送於郊上可其奏諸生別
元之占一絕付狀元孫何曰為我多謝蘇易簡

云

投時相

早有虛名達九重
宦途流落漸龍鍾
散為郎吏同元稹
羞見都人看李邕
舊日謬吟紅藥樹
新朝曾獻皐囊封
猶祈少報君恩了
歸卧山林作老農

石林燕語王元之初自掖垣謫商州團練副使
至道中復自學士謫滁州真宗即位以刑部郎
台知制誥凡再貶還朝不無怏怏時張丞相齊
賢李文定沆當國以詩投之齊賢不悅繼有黃
州之遷

句

元象中台拆皇家上相薨大功銘玉鉉密事在金滕

趙晉

挽詞

先帝升遐日詞臣寓直時
樞前言顧命筆下定鴻詞

宋

挽詞

以上青箱雜記

身後聲名文集草眼前衣食簿書堆

澤畔騷人正憔悴

道旁山鬼莫揶揄

許彥周詩話元之詩可重大抵語迫切而意雍容有句云云類樂天也

羅處約

處約字思純益州華陽人太平興國八年進士
知吳縣太宗召試擢著作郎直史館詔授荆湖
路巡撫卒蘇易簡王禹偁集其文為東觀集

泛太湖

三萬六千頃湖侵海內田逢山方得地見月始知天
南國吞將盡東溟勢欲連何當灑為雨無處不豐年

宋文

鑑

鄭文寶

文寶字仲賢寧化人仕南唐校書郎宋太平興國八年舉進士歷官陝西轉運使兵部員外郎

東都事畧文寶以詩名家多警句善篆工琴

題王子晉祠

秋陰漠漠秋雲輕縵氏山頭月正明
帝子西飛仙馭遠不知何處夜吹笙

西清詩話縵氏王子晉昇仙之地有祠在焉鄭工部文寶題一絕云云後晏元獻守洛過見之

取白樂天語書其後云此詩在處有神物護持

寒食訪僧

客舍愁經百五春雨餘溪寺綠無塵
金花開處鞦韆鼓粉頰誰家鬪草人
水上碧桃流片段梁閒新燕語逡巡
高僧不飲客攜酒來勸先朝放逐臣

郢城新亭

每到新亭即厭歸野香經雨長松圍
四簷山色消繁暑一局棋聲下翠微
冰片角巾簪澗月錦文卷石砌苔磯

近來學得籠中鶴迴避流鶯笑不飛

以上玉壺野史

闕題

亭亭畫舸繫寒潭直到行人酒半酣
不管烟波與風雨載將離恨過江南

一夜西風旅雁秋背身調鐺索征裘
關山落盡黃榆葉駐馬誰家唱石州

江雲薄薄日斜暉江館蕭條獨掩扉
梁燕不知人事改雨中猶作一雙飛

蔡寬夫詩話

送曹緯劉鼎二秀才

旦夕春風老離心共黯然小舟聞笛夜微雨養花天手

筆人皆有曹劉世所賢柳侯重才子從此看鶯遷

宋文鑑

句

百草千花路輕風細雨天過關已躍檣蒲馬誤喘猶

驚顧兔屏

重經貶所

杜曲花光濃似酒灞陵春色老于人

長安送別詩

滿帆西日催行客一夜東風落楚梅

送人歸湖中

失

意此中遷客酒多年不見侍臣花

以上皇朝類苑

沙暖鳬鷺行
哺子蹊深桃李卧
開花

蔡寬夫詩話歐陽文忠公稱仲賢張僕射園中
一聯以為集中少比其詩云云

曾致堯

致堯字正臣撫州南豐人太平興國八年進士
真宗朝以戶部郎知泰泉等州有山亭六詠集

崇覺寺

水深花影地莓苔
春色烘人若不開
走報鵲原無別事

遠將歌管酒壺來

西江詩話

句

沙鷺窺吟榻風蟬入座隅

六詠笑
容閣

雲昏迷候館樹缺辨

江湖

六詠望江樓

以上輿地紀勝

寇準

準字平仲華州下邳人太平興國中進士淳化

五年參知政事真宗朝累官尚書右僕射集賢

殿大學士同中書門下平章事封萊國公乾興

初貶雷州司戶徙衡州司馬卒仁宗時贈中書

令諡忠愍有已東集

湘山野錄萊公有野水無人渡孤舟盡日橫之
句深入唐人風格送人使嶺南句云到海只十
里過山應萬重人以爲警絕晚竄海康至境首
問雷吏去海遠近曰只可十里憔悴奔竄已兆
于此

青箱雜記魏仲先贈萊公詩曰有官居鼎鼐無
地起樓臺拙傳漢北章聖朝北使至問那箇是
無地起樓臺相公時方居散地因召還授北門
官猶苦溪漁隱叢話忠愍公詩含思悽惋蓋富
於情者也

江南春

波淼淼柳依依孤村芳草遠斜日杏花飛江南春盡離

腸斷蘋滿汀洲人未歸

杳杳煙波隔千里白蘋香散東風起
日落汀洲一望時
柔情不斷如春水

湘山野錄萊公富貴之時所作詩皆悽楚愁怨
嘗為江南春云云

春日登樓懷歸

高樓聊引望杳杳一川平
野水無人渡孤舟盡日橫
荒村生斷靄古寺語流鶯
舊業遙清渭沈思忽自驚

水村即事

虛齋臨遠水吟釣度朝晡葦岸秋聲合
莎庭鶴影孤片雲藏疊巘野燒起寒蕪
獨步時凝望離人隔五湖

題巴東寺

寺在猿啼外門開古澗涯山深微有徑
樹老半無枝望遠雲長暝談空日易移
恐朝金馬去還失白蓮期

書河上亭壁

暮天寥落凍雲垂一望危亭欲下遲
臨水數村誰畫得淺山寒雪未消時

海康西館有懷

風露淒涼西館靜悄然懷舊一長歎
海雲銷盡金波冷

半夜無人獨凭闌

以上寇萊公集

過襄州留題驛亭

沙堤築處迎丞相驛吏催時送逐臣
到了輸他林下客

無榮無辱自由身

石林詩話

和清桃

將相功名終若何不堪急景似奔梭
人間萬事何須問

且向樽前聽豔歌

侍兒小名錄拾遺

春晝

白晝綠成芳草夢起來幽興有新詩
風簾不動黃鸝語
坐見庭花日影移

春恨

侵階草色連朝雨
滿地梨花昨夜風
蜀魄不來春寂寞

楚魂吟夜月朦朧

以上合璧事類前集

李含章

含章字時用宣城人太平興國中進士官屯田都官員外郎充三司度支判官出知本郡罷

遊桃源觀

碧草芊綿十洞春青蒼寒疊五溪雲山縈乳竇層層秀
路隔桃花處處分苔徑竹深迷鶴跡石壇松古漏星文
通宵回想塵寰事好結茅茨向水濱

宛雅

何承矩

承矩字正則河南人贈侍中繼筠子幼為棣州

衙內指揮使太平興國中知潭州至齊州團練使

夢溪筆談瓦橋關北與遼為鄰素無關河為阻
六宅使何承矩守關始議瀦水為塞恐謀泄日
會僚佐汎船置酒賞蓼花作蓼花游數十篇

文昭園聞提壺有感

馬家公子好樓臺鑿破青山碧沼開啼鳥不知人事變
數聲猶傍水邊來

方輿勝覽文昭園在潭州興國閭何承矩為守
園吏云昔屬馬家今歸趙氏因聞提壺有感作

詩云云

王操

操字正美江南處士太平興國時上南郊頌授
太子洗馬仕至殿中丞

黃葵

奉使隴右至石濠驛作

昔年南國看黃葵雲鬢金釵向後垂今日衰容籬落下
秋風寂寞兩三枝

雅言系述

題水心寺壁

分飛南渡春風晚
卻返家林舊業空
無限離情似楊柳
萬條垂向楚江東

歷代吟譜王操謁宋國老獻詩送數百縑于鍾陵飲酒數日而盡醉中挂帆數百里至落星灣半醉醒煙雨中登水心寺題詩於壁

送人南歸

相送當搖落孤舟泛渺瀰
去帆看已遠臨水立多時
別浦寒鴻下空山夜鶴移
他年重會面吟鬢共成絲

喜故人至

地僻無賓侶柴門晝始開谿山寒葉落江國故人來話
舊驚霜鬢論詩滯酒杯相留喜同宿不寐曙光回

上李相公

弱冠登龍入粉闈少年清貴古來稀袖中詔草朝天去
頭上宮花侍燕歸卓筆玉堂寒漏迴卷簾池館水禽飛
三台位近猶多遜閒聽秋霖憶翠微

以上宋文鑑

塞上

無定河邊路風高雪灑春沙平寬似海鵬遠立如人絕

域居中土多年息虜塵邊城吹暮角久客自悲辛

村家

野景村家好柴籬夾樹身牧童眠向日山犬吠隨人地

僻鄉音別年豐酒味醇風光吟有興桑麥暖逢春

以上
羸奎

律髓

潘若沖

若沖太平興國中官桂林守

寄南嶽廖融

曾經別墅住行蹤春浪和烟撼釣筒共步幽亭連石蘚
寄眠靜榻帶松風秋來頻夢岳雲白別後應添鶴頂紅
又泛扁舟隨汴水不堪南望思忡忡

雅言雜載

王周

周登進士第曾官巴蜀詩一卷

胡震亨云唐宋藝文志並無其人惟文獻通考載入唐人集中今考峽船詩序引陸魯望茶具詩其人蓋在魯望之後而詩題紀年有戊寅己卯兩歲近則梁之貞明遠則宋之太平興國也自註地名又有漢陽軍興國軍為宋郡號殆五代人而入宋者

湖口縣

柴桑分邑載圖經
屈曲山光展畫屏
最是蘆洲東北望
人家殘照隔烟汀

金口步

在江北漢陽軍下必鐵也

兩山鬬咽喉羣石
矗牙齒行客無限愁
橫吞一江水

宿疎陂驛

秋染棠梨葉半紅
荊州東望草平空
誰知孤宦天涯意

微雨蕭蕭古驛中

以上全唐詩

錢熙

熙字大雅泉州南安人善屬文陳洪進愛其才以弟之子妻之將署府職辭不就中雍熙二年進士仕殿中丞直史館坐累出判朗州至道間加右司諫卒有集

娛書堂詩話錢熙泉州才士曾作四夷來王賦獻太宗愛其才又嘗撰三酌酸文世稱精絕後亦不達而故鄉人李慶孫以詩弔之曰四夷妙賦無人繼三酌酸文舉世傳

雞冠花

亭亭高出竹籬間，露滴風吹血未乾。
學得京城梳洗樣，

舊羅包卻綠雲鬟。

全芳備祖

九日溪偶成

漁家深處住鷗鷺，泊柴扉雨過莎迷徑。
潮來風滿衣，岸幽分遠景。
波冷漾晴暉，卻憶曾遊賞。
嚴陵有舊磯，

清源文獻

句

鶴歸已改新城郭，牛卧重尋舊墓田。

送人金陵拜掃
皇朝類苑

陳彭年

彭年字永年撫州南城人雍熙二年進士真宗
朝召試為祕書丞直史館翰林學士拜參知政
事進兵部侍郎卒贈右僕射諡文僖有集

國老談苑陳彭年在翰林所兼十餘職皆文翰
清秘之目時人謂其署街為一條冰

送申國長公主為尼

曰琯按唐詩紀事作楊邨伯
送妓人入道詩字句小異

盡出花鈿散寶津雲鬟初翦向殘春因驚風燭難留世
遂作池蓮不染身貝葉乍翻疑軸錦梵聲纔學誤梁塵
從茲豔質歸空後湘浦應無解佩人

湘山野錄章聖朝中國長公主為尼詔兩禁送
於寺各賦詩彭年詩云云都下好事者以鷓鴣
天曲聲歌之

劉師道

師道字損之開封人雍熙二年進士咸平初知
潤州累官三司度支副使樞密直學士

句

南浦未傷春草碧北山猶媿曉猿驚

寄別

野馬飛窗日

醯雞舞甕天

以上皇朝類苑

陳世卿

世卿字光遠南劍州沙縣人雍正二年進士真
宗朝歷官度支員外郎荆湖北路轉運使以祕
書少監知廣州

思古堂

思古堂前酒一尊共談時事出孤村臨期上馬無他囑

多買詩書教子孫

延平府志

錢若水

若水字澹成一字長卿河南新安人雍正中舉
進士累知制誥歷集賢學士鄧州觀察并代經
畧使卒贈戶部尚書有集

禁林讌會之什

一夜春風滿帝都禁林清曉宴簪裾玉堂乍到驚凡目

金鎖徐開見御書

承旨學士嚴以局鑄鎖
御書于玉堂之上

四字驪龍爭

天矯兩篇瓊樹鬬扶疎詞臣此會人應羨聖主多才古
不如日上花顰簾捲後柳遮鈴索雨晴初閣前吟罷先

沈醉忘卻西垣有直廬

翰苑羣書

送楊大年知處州二首

夫子厭承明還求領郡行
兩章千負宸數刻對延英
豈獨綵衣樂兼為畫錦榮
聖朝循吏傳首得見君名

汗簡成惇史分符別近班
仍聞括蒼郡酷似武夷山
捲箔煙霞麗登樓水石閒
二年棄官去惟我獨何顏

括蒼彙紀

濟源縣裴公亭

裴相亭成未退身
空煩舞袖與歌塵
至今亭下蕭蕭竹

似對秋風怨主人

御選四朝詩

句

日上花梢簾捲後柳遮鈴索雨晴初

耆舊續聞

孫冕

冕字伯純新淦人雍熙進士天禧中尚書禮部
郎中直史館出守蘇州

書蘇州廳壁

人生七十鬼為鄰已覺風光屬別人莫待朝廷差致仕

早謀泉石養閒身去年河北曾逢李今日淮西又見陳
寄語姑蘇孫太守也須抖擻舊精神

湘山野錄孫集賢冕天禧中直史館晚守蘇已
及引年大書詩于廳拂衣而往詔下公已歸矣

焦宗古

句

芳樹高低啼蜀魄朝雲濃淡極巴天

送人遊蜀 皇朝類苑
雍熙以來文士句

朱巖

巖工篆隸見王元之小畜集

句

寓直有誰同騎省立班獨自戴貂冠

贈徐常侍 皇朝類苑
雍熙以來文士句

李拱

拱雍熙閒人

句

犬眠花影地牛牧雨聲坡

題材舍

楊文公談苑

趙復

復雍熙閒人

句

船官風破浪關吏鼓侵晨

送晏集賢南歸 楊文公談苑

陳 詰

句

籠雞對窗語鬬雀繞門飛

閒居 皇朝類苑 雍熙以來文士句

胡 則

則字子正婺州永康人端拱己丑進士歷太常博士提舉兩浙權茶事兼知睦州又為江淮制

置發運使以右諫議大夫知杭州官至兵部侍郎致仕

別方巖

并序

端拱元年春僕與湖湘陳生束書居方巖僧舍暨命駕求岳牧薦應天子舉將與僧別率為五言十二韻書於屋壁下卜商曰動天地感鬼神莫近於詩僕罔敢知而復為或言之者無罪庶幾懷矣知我無所隱焉仲秋月朔胡則書

寓居峯頂寺不覺度炎天山叟頗為約林僧每出禪虛
懷思往事宴坐息諸緣照像龕燈暗通宵磬韻傳冥心
資寂寞琢句極幽玄拾菌寒雲下烹茶翠竹前遠陰臨
岳樹清響答巖泉僻徑無來客新秋足亂蟬松風生井
浪溪雨長苔錢自省隨浮世終難駐永年徧遊曾宛轉
欲去更留連明日東西路依依獨黯然

永康縣志

陳堯叟

堯叟字唐夫閬中人省華子端拱二年進士第

一解褐光祿寺丞累遷樞密直學士加三班兼
銀臺通進封駁司制置羣牧使大中祥符中與
王欽若以本官檢校太尉同平章事尋拜右僕
射知河陽卒贈侍中諡文忠

洞霄宮

迴合烟光疊翠屏東南山水此為靈鶯花春壓蓬萊境
樓閣夜干牛斗星古檜森羅燒藥竈彩雲飄灑聚仙亭
遼天俯近期歸鶴澥谷旁通駭巨溟紫陌紅塵無一點

綠毛仙骨有千齡當時聽法談玄者環佩鏘鏘拱上清
杭州府志

披雲亭

秦人百二山河固陝服城闔控此中別構棟梁成爽塏
俯觀竹樹立青蔥虛簷碩敞迎朝日曲檻縈迴帶晚風
登眺自欣襟帶地萬方轍迹坦然同

河南府志

曾會

曾字宗元泉州晉江人端拱二年進士第二由

光祿寺丞知宣州祥符末由三司判官出為兩
浙轉運使仁宗朝以刑部郎中集賢殿修撰知

明州

重登蕭相樓

不見當年李翰林江天為我結層陰九華門外柳三尺
蕭相樓前松十尋物在人亡空有淚時殊事變獨傷心
隻雞斗酒江干市白首風前些楚吟

池州府志

擣砧詞

曰琯按此詩中吳紀聞作龔宗元

星存耿耿寒煙浮白龍街月臨霜樓誰家砧弄細腰杆
一聲擣破江城秋雙桐老翠墮金井高低冷逐西風緊
靜如秋籟暗穿雲天半驚鴻斷斜影哀音散落愁人耳
何處離情先喚起長信宮中葉滿堦洞庭湖上波平水
萬里征夫眠未成搖風擣月何丁丁楚關秦嶺有歸客
一枕夜長無限情

吳氏詩永

盛 度

度字公量餘杭人端拱二年進士真宗朝累官

翰林學士仁宗景祐初拜參知政事遷知樞密院事出知應天府以太子少傅致仕卒贈太子太保諡文肅嘗被命與李宗諤楊億王曾李維舒雅任隨石中立同編文苑英華有愚谷銀臺中書中樞四集

庶子泉

在瑯琊山寶應寺唐李幼卿守滁州始有此泉歐陽永叔云庶子泉銘李陽冰撰并書

深藏西竹寺寒擁北譙城石字贊皇古泉銘庶子清

方輿勝覽

陳堯佐

堯佐字希元閬中人端拱二年進士歷官同中書門下平章事卒贈司徒兼侍中謚文惠有愚

丘集遣興集

澠水燕談陳文惠公堯佐端拱元年程宿下及第同年二十八人時公兄弟俱未仕父省華為小官家極貧魏野以詩賀曰放人少處先登第舉族貧時已授官

中山詩話陳文惠以使相致仕年八十有詩云青雲岐路遊將徧白髮光陰得最多構亭號佚老歸政者多效之喜堆墨書深自矜負善為四句詩遊長安佛寺題名從者誤側硯汗鞵公性

急遂室筆于其鼻容笑失聲

皇宋書錄陳文惠公善八分書點畫肥重世謂之堆墨書領鄭州日伶人戲以一大紙濃墨塗之中以粉筆細書四點問曰此何字也曰堆墨書田字也公大笑

湖州碧瀾堂

苔溪清淺雪溪斜碧玉光寒照萬家誰向月明中夜聽
洞庭漁笛隔蘆花

湘山野錄

吳江

平波渺渺烟蒼蒼菰蒲纔熟楊柳黃扁舟繫岸不忍去

秋風斜日鱸魚鄉

歷代吟譜

答張順之

有花無酒頭慵舉
有酒無花眼倦開
正向西園念蕭索
洛陽花酒一時來

雲齋廣錄陳文惠退居鄭下張退傅知西京以
姚黃魏紫及酒寄之文惠有詩

虎丘

雲際樓臺樹杪烟
孤松千尺聳平田
危闌逸思微吟好
隱隱秋帆半入天

人間靈蹟徧曾遊，祇欠吳門訪虎丘。今日偶來無限感，

闔閭墳左劍池頭。

吳郡志

題漳浦縣壁

蠻烟漁火接鯨波，樹樹花枝處處歌。況是天涯好行樂，

莫教憔悴鬢絲多。

方輿勝覽

林處士水亭

城外逋翁宅，開亭野水寒。光浮荷葉靜，影浸魚竿叢。
犬時迎客饑禽忽，上闌疎籬僧舍近。嘉樹鶴庭寬拂砌，

烟絲裊侵窗筍戟攢小橋橫落日幽境轉層巒好景吟
何極清歡盡亦難憐君留我意重疊取琴彈

遊湖上昭慶寺

湖邊山影裏靜景與僧分一榻坐臨水片心閒對雲樹
寒時落葉鷗散忽成羣莫問紅塵事林閒肯暫聞

以上
羸奎

律髓

洞霄宮

一帆高挂出紅塵萬仞長歌入紫雲莫道遊仙別無侶

玉清冠蓋許同羣

谷口停驂上翠微
五雲宮殿闢金扉
不知何處朝元會
卻見龍鸞隊仗歸

三天封部稼如雲
流水清寒出洞門
更愛林閒盤石上
松花飄落羽人樽

娟娟紅樹碧峯前
為愛桃花入洞天
偶逐霓旌纔百步
卻憂人世已經年

洞霄詩集

洞霄宮志在餘杭縣本漢天柱宮祥符五年堯
佐奏改今名

芳菲園

錢氏時清源門內有此園

盡日芳菲園不見芳菲好茂草與斜陽脈脈情多少

湖州

府志

望越亭

颯颯西風葉葉秋誰家烟火起滄洲乘閒不奈無機性
擬動漁翁直釣鉤

杭州府志

智果寺

蘿巖山下寺靜境絕過從芳草二三月碧雲千萬峯窗

閒明落日樓迴響疎鐘卻恐重來晚庭前記偃松

紹興府志

遊西湖

附郭水連山公餘獨往還疎烟漁艇遠斜日寺樓閒繫

馬芭蕉外移舟菡萏閒天涯逢此景誰信自開顏

廣東通志

題野史亭

野史厭公堂開軒出郡牆殘花炎帝圃斜日尉佗鄉疊
嶽分諸粵重城截大荒耕桑蠶聚落烟火漢封疆雲勢
飄蓬島天形壓夜郎扁舟閒得侶嘉樹遠分行梅雨千

林暮春風百草香人家浮浩渺鳥道沒青蒼塏吟魂

健虛明夏景涼陀年重回首牢落媿甘棠

惠州府志

句

雨網蛛絲斷風枝鳥夢搖

溫公續詩話

千里好山雲乍斂一

樓明月雨初晴

偶成

郡吏百函通爵里從兵千騎屬橐鞬

送朱荆南

君恩來萬里客路出千山

潮州名還

供帳開天苑

傳呼度國門

送种放

風樵若邪路霜橘洞庭秋

送人越州

上皇朝類苑

劉少逸

少逸蘇州人以童子賜進士及第官止尚書員

外郎

句

無風烟燄直

羅

有月竹陰寒

劉

日移竹影侵碁局

羅

風

遞花香入酒尊

劉

風雨江城暮

王

波濤海寺秋

劉

一回

酒渴思吞海

王

幾度詩狂欲上天

劉

續歸田錄

蘇州童子劉少逸年十一文辭精敏

有老成體其師潘閭攜以見長洲宰王元之吳

縣宰羅思純以所作贊二公二公名重當時疑

所贊假手因試之與之聯句各不淹思二公驚

異至聞于朝賜進士及第

孫周翰

周翰賜童子出身

句

口吹楊柳成新曲

郡侯

頭戴花枝學後生

孫

續歸田錄孫周翰亦少逸之流其父穆之攜以見郡侯時賞春作會座客簪花郡侯屬周翰聯句笑曰何遽便戲老夫賜童子出身

張秉

秉官監察御史知鄭州

鄭州聯句

函關秋霽雁初迴六里商於曉色開秉四皓有靈應笑

我謫官方始入山來

王禹偁

小畜集



宋詩紀事卷四